



AN TAONTAS
EORPACH

An Tionscnamh Eorpach ó na Saoránaigh:

Uirlis chun do smaointe
a iompar ar fud an Aontais



Cén fáth ar cheart duit seasamh chun tosaigh?



Bí ag gníomhú ar shaincheisteanna atá tábhachtach duit – brúigh an cnaipe chun tús a chur le clár oibre an Aontais



Tóg líonra agus faigh tacaíocht ó Fhóram an Tionscnaimh Eorpaigh ó na Saoránaigh



Tabhair tacaíocht ar bhealach a bhfeileann duit – Síneadh tionscnamh nó déan feachtas ar a shon

Ag seasamh chun tosaigh!

An deis a thapú agus Tionscnamh Eorpach ó na saoránaigh a chur isteach, is mór an sásamh a bhaineann leis sin. Tá go leor gaiscí agus spriocanna ag baint le feachtas de chuid Tionscnaimh Eorpaigh ó na saoránaigh, ó shínte a bhailiú go dtí an smaoineamh a scaipeadh i measc do chomhshaoránach. Is féidir cuid mhór a bhaint amach nuair a sheasann tú chun tosaigh. Is féidir leat súil a chaitheamh ar an méid atá le rá ag eagraithe faoina dturas féin leis an Tionscnamh Eorpach ó na saoránaigh:

“Trí Thionscnamh Eorpach ó na saoránaigh a sheoladh, bhíomar in ann léargas a fháil agus plé iontach a dhéanamh le daoine ar fud an Aontais Eorpaigh, daoine nach mbeimis in ann labhairt leo de ghnáth agus muid ag obair. An rud is dearfaí a bhí ann ná an buíochas a ghabh ár dtacadóirí as gach cearn den Eoraip linn, sin agus an misneach a thug siad dúinn. Chuir an spreagadh sin i gcumhne dúinn cé chomh tábhachtach is atá sé labhairt amach, fiú nuair a bhíonn sé deacair sin a dhéanamh.”

Tionscnamh de chuid na sochaí sibhialta maidir le toirmeasc ar chleachtais ollfhaireachais bhithmhéadraigh / eagraithe an tionscnaimh dar teideal ‘Reclaim Your Face’


“Osclaítear doirse nuair a sheoltar Tionscnamh Eorpach ó na saoránaigh! Is bealach é chun do chuid éileamh a chur in iúl agus is deis é chun difríocht a dhéanamh. Cuireadh ár smaointe san áireamh sa rún ó Pharlaimint na hEorpa maidir le Tithíocht do Chách le déanaí. Tá sé tábhachtach iarracht a dhéanamh 1 mhilliún síniú a bhailiú, ach tá sé níos tábhachtaí díriú isteach ar an ábhar féin. Cuir do chuid éileamh in iúl agus lean ar aghaidh, fiú mura n-éiríonn leat 1 mhilliún síniú a fháil! Is ina dhiaidh sin a tharlaíonn na rudaí iontacha, ar nós an tionscadail leantaigh housing4europe.org atá idir lámha againn faoi láthair. Chasamar le go leor daoine atá anois ag glacadh páirt ann.”

Eagraithe an tionscnaimh TITHÍOCHT DO CHÁCH

“Bhí ár dtionscnamh Eorpach ó na saoránaigh ag teacht go mór le cuspóirí an Chomhaontaithe Ghlais don Eoraip, agus le Clár Oibre 2030 na Náisiún Aontaithe. Mar sin de, ón uair a tháinig Coimisiún von der Leyen i mbun oifige, tá saincheisteanna a bhaineann le cosaint ithreach á dtarraingt anuas agus á bplé ar leibhéal an Aontais. Tugadh cuireadh dom ár smaointe a chur i láthair ag cruinnithe i Parlaimint na hEorpa. Tar éis do Pharlaimint na hEorpa rún a ghlacadh maidir leis an gcosaint ithreach, chuir an Coimisiún an straitéis nua ithreach i láthair: sin go díreach an rud a bhí á iarraidh againn lenár dtionscnamh Eorpach ó na saoránaigh, ach amháin gur tharla sé trí bliana níos déanaí.”

Eagraí an tionscnaimh People4Soil

Príomhfhíricí a bhaineann leis an Tionscnamh Eorpach ó na Saoránaigh



Cuireadh tús leis an 1 Aibreán 2012 nuair a tháinig an chéad rialachán maidir leis an tionscnamh Eorpach ó na saoránaigh i bhfeidhm.



Is féidir le heagraithe an **Lárchóras Bailithe ar Líne** a chuireann an Coimisiún Eorpach ar fáil a úsáid saor in aisce, rud a chuireann ar a gcumas dóibh sínithe a bhailiú ar líne i gcomhréir iomlán leis an reachtaíocht maidir le cosaint sonraí.



Tugadh isteach é le **Conradh Liospóin** a tháinig i bhfeidhm an 1 Nollaig 2009.



Tá gá le **1 mhilliún síniú** chun do thionscnamh a sheoladh chuig an gCoimisiún, agus tá oibleagáid ann tairseach íosta uimhreacha a bhaint amach i 7 dtír de chuid an Aontais ar a laghad.



Go dtí seo, tá ceithre thionscnamh Eorpacha ó na saoránaigh tar éis an líon ráiteas tacaíochta a bhaint amach atá ag teastáil chun go ndéanfaidh an Coimisiún Eorpach beart. Tháinig reachtaíocht nua as cuid de na tionscnaimh sin, agus bhí toradh fiúntach ar an gcuid eile acu.

Treoir ghearr maidir leis an daonlathas rannpháirtíochta ar leibhéal an Aontais

Mar shaoránach den Aontas Eorpach, tá sé de cheart agat páirt a ghlacadh i bpróiseas cinnteoireachta an Aontais. Tugaimid léargas duit anseo ar an réimse leathan uirlisí lenar féidir leat do thuairim a nochtadh agus páirt a ghlacadh i mbeartais a mhúnlú ar leibhéal an Aontais Eorpaigh.

1. Vótáil nó seasamh mar iarrthóir i toghcháin Eorpacha. Caith vóta d'iarrthóirí ag a bhfuil an clár oibre polaitiúil is fearr a léiríonn do chuid mianta i dtaca leis an Aontas. Coinnigh i dteagmháil le do FPEanna ar feadh a sainordaithe ionas go mbeidh siad in ann do chuid leasanna a chur chun cinn. Tá cearta toghchánacha ag Saoránaigh den Aontas Eorpach a bhfuil cónaí orthu i mBallstát eile. Tá sé de cheart agat freisin seasamh mar iarrthóir i dtoghcháin. [Faigh amach conas sin a dhéanamh.](#)

2. Tionscnamh Eorpach ó na saoránaigh – Mar a leagtar amach thuas, leis an [dTionscnamh Eorpach ó na saoránaigh](#) is féidir leat gníomh a mholadh maidir le saincheist atá tábhachtach duit agus tacaíocht a bhailiú ar fud an Aontais. Nuair atá 1 mhilliún síniú bailithe agat, buailfidh tú leis an gCoimisiún agus glacfaidh páirt in éisteacht phoiblí i bParlaimint na hEorpa. Ansin scrúdóidh an Coimisiún bunábhar do thionscnaimh agus tabharfaidh sé freagra foirmiúil ina leagfar amach an gníomh a dhéanfar nó, mura bhfuil gníomh leantach molta, tabharfaidh sé míniú ar an bhfáth a ndearnadh an cinneadh sin. Má chinneann an Coimisiún ar thogra reachtach a chur ar aghaidh, beidh feidhm ag prionsabal na coimhdeachta, prionsabal na comhréireachta agus ag rialáil níos fearr. I bhformhór na gcásanna, beidh ar Parlaimint na hEorpa agus ar an gComhairle an togra a ghlacadh sular féidir dlí de chuid an Aontais a dhéanamh de.

3. Tugann an Chomhdháil ar Thodhchaí na hEorpa (2021/2022) deis do shaoránaigh páirt a ghlacadh sa díospóireacht mhór uile-Eorpach, imeachtaí a eagrú ón mbun aníos, agus tograí a chur ar aghaidh a mheasann siad a bheith tábhachtach do thodhchaí an Aontais. Ceapadh ardán ilteangach na Comhdhála chun díospóireacht atá uile-Eorpach go fírinneach a spreagadh, agus fágann sé gur féidir na tograí ar fad a bhaineann leis an gComhdháil a bhailiú. Tá gealltanús tugtha ag institiúidí an Aontais obair leantach a dhéanamh ar [thorthaí na Comhdhála](#), aon uair is féidir.

4. Ar an ardán 'Cloisimis uait' tugtar deis do shaoránaigh agus do gheallsealbhóirí (údaráis phoiblí, ENRanna, taighdeoirí, acadóirí, gnólachtaí) a n-aiseolas a sheoladh agus cabhrú chun tionscnaimh de chuid an Aontais a mhúnlú. Cuir do thuairimí in iúl faoi na dlíthe agus na tionscnaimh de chuid an Aontais atá le teacht trí cheistneoir a fhreagairt faoi chomhairliúchán poiblí nó trí thrácht a dhéanamh ar dhréachtaí dlíthiúla. Déanann an Coimisiún anailís agus achoimre ar an aiseolas a fhaigheann sé. Cuirtear tuarascálacha ar fáil faoi thionscnaimh áirithe. Ar an mbealach sin is féidir leat tuiscint a fháil ar an dóigh a gcabhraíonn an t-aiseolas chun na tionscnaimh a mhionchoigeartú. [Faigh tuilleadh eolais.](#)

5. Tugann an tairseach Cloisimis uait: Simpligh deis duit do smaointe a roinnt maidir le conas dlíthe reatha an Aontais a shimpliú. Pléifidh grúpa saineolaithe do smaointe ar an **Ardán "Réidh don Todhchaí"**. Féach liosta na dtopaicí sa chlár oibre agus cuir do smaointe in iúl chun an acmhainn a bhaineann lena ndigitiú a mhéadú, nósanna imeachta agus oibleagáidí a bhfuil baint acu le lipéadú, údaruithe agus tuairisciú a shimpliú, nó chun forlúí nó neamhchinnteacht a sheachaint. [Is féidir leat freisin topaicí nua a mholadh.](#)

6. Cuir achainí faoi bhráid Parlaimint na hEorpa maidir leis an dóigh a gcuirtear reachtaíocht na hEorpa i bhfeidhm agus faoin tionchar atá aici ar do shaol. Baineann achainíochtaí de chuid an Aontais atá ar siúl cheana féin; ní féidir leo tograí a iarraidh le haghaidh dlíthe nua de chuid an Aontais; is féidir le haon achainíoch amháin achainí a thíolacadh. Féachann an Coiste um Achainíochta de chuid Parlaimint na hEorpa le freagra a thabhairt ar na hachainíochta go léir agus, nuair is féidir, réiteach neamhbhreithiúnach a thabhairt ar ábhair imní a bhfuil údar leo a tharraingíonn achainígh anuas faoi shaincheistean a bhaineann le réimsí gníomhaíochta an Aontais. [Faigh amach conas a oibríonn sé.](#)

TAPAIGH AN DEIS

An Tionscnamh Eorpach ó na Saoránaigh
Slí duitse an beartas Eorpach a mhúnlú



#EUTakeTheInitiative
europea.eu/citizens-initiative

AN TAONTAS
EORPACH

© An tAontas Eorpach, 2021 Níl cosc ar athúsáid ar choinníoll go ndéantar an fhoinse a admháil. Is le Cinneadh 2011/833/AE (IO L 330, 14.12.2011, Ich. 39) a rialaítear an beartas athúsáide maidir le doiciméid de chuid an Choimisiúin Eorpaigh.

ISBN: 978-92-76-43629-4 – DOI: 10.2792/120325